



# Bilimik ingerlatsineq puigortunngornerlu

## Bilimik ingerlatsineq puigortunngornerlu

Utoqqaat puigortunngornermik nappaateqanngitsut amerlanersaat bilimik ingerlatsinissamut sungiussilluarsimasuupput isumannaatsumillu ingerlatsisarlutik. Puigortunngornermilli nappaateqarnermi biilerneramik ukiorpassuarni misilittagaqarneq naamagunnaassaaq, piffissanngorumaarporlu bilimik ingerlatsisinnaajunnaartariaqarnissaq.

Puigortunngornerup aqutissarsisinnaaneq, ataatsimut isiginnissinnaaneq aqqusinermilu angallannermi maleruagassanik eqqaamasinnaajunnaarneq nassatarisarmagu, bilimik isumannaatsumik ingerlatsisinnaaneq annaaneqartarpoq. Eqqarsartaatsikkut piginnaasat kigaatsumik sanngiiliartorajupput nappateqaleqqaarnermilu tamanna takujuminaattarluni.

## Puigortunngornermi bilimillu ingerlatsinermi aarlerisaarutit

Nappaat puigortunngorneq annikitsumik atoraanni nalinginnaasumik biilip aqutaata, pedalit gearillu atornissaat ajornakusoortanngilaq. ilungersunartunili, ataatsikkut arlalinnik takunnissinnaasussaaffimmi, aalajangiigasuarfissanilu, ajutoortoqarsinnaavoq. Tamanna ass. angallattoqarnerpaaffiani, imal. aqqusinermi arlalinnik sanguffissalimmi pisinnaavoq.

Puigortunngornermut siusissukkut ersiutaasartut assigiinngitsutigut sunniuteqartarput. Mianersornissamut ersiutit tassaasinnaapput:

- Sungiusimasani tamarneq.
- Angallannermi allagarsiussanik arajutsineq.
- Tunuarsimasussaaneermik eqquutsitsinnginneq.
- Sukkassutsumik angallannermi pissutsinut naapertuussaanginneq.
- Aqqusinermi eqqortumik inissinnissap ajornartorsutiginera.
- Siunerisanut qanillivallaannginnissap puigornera.
- Biilertut allat eqqarsaatiginnginnerat.
- Igalaanut marsarlerutit imal. sanguniarnermi kalerriutit qaminngitsoortarnerat.

## Puigortunngorneq bilimik ajutoornernut patsisaasarpa?

Aqqusinikkut angallannermi ajutoornissamut aarlerinaat puigortunngornerup sakkortussusaanut atassuteqarpoq. Naatsorsueqqissaarnermi kisitsisit naapertorlugit utoqqaat puiguttortut aqqusinermi angallannermi ajutoorsinnaanerat annikitsuinnaavoq.

## Qaqugu bilimik ingerlatsiunnaartoqassava?

Qaqugu bilimik ingerlatsisinnaajunnaarnissamut aalajangersimasunik maleruagassaqqanngilaq. Eqqarsartaatsikkut piginnaasat-ass. puigortunngorneq pissutigalugu eqqarsartaatsikkut piginnaasat sanngiiliartornerannut ersiuteqaraanni, imal. bilimik ingerlatsisinnaanermut piginnaasat annikiliartornerannut ersiuteqarpat, tamanna nakorsamut oqaloqatigiissutigisariaqarpoq.





## Bilimik ingerlatsineq puigortunngornerlu

Nakorsap peqqissutsimut takussutissamik biilernermit misilitsinnissaq innersuussutigisinnaavaa imal. biilersinnaajunnaarsimanermik naliliippat, biilernissamut inerteqqummik tunniussisinnaalluni. Bilimik ingerlatsinerup illersorneqarsinnaajunnaarnerata siusissukkut qulaajaaviginissaa pingaaruteqarpoq. Akunnattumiit sakkortuumik puigortunngortut biilimik ingerlatsiunnaartariaqarput.

### **Biilernermit allagartap nutarternissaa**

Biilernermit allagartaq allagartartaarniit 70-inik ukioqalernissannut atuutissaaq. 70-iliiguit nakorsiassaait. Biilersinnaanissat nakorsamit naliliivigineqassaaq.

70-ileereerninni biilernermit allagartat piffissap sivikinnerusup qaangiunnerani nutartertariaqartalissaaq:

- 70-inik ukioqaruit, ukiut sisamat atuuttussamik allagartalerneqassaatit
- 71-inik ukioqaruit, ukiuni pingasuni atuuttussamik allagartalerneqassaatit
- 72-it 79-illu akornanni ukioqaruit ukiuni marlunni atuuttussamik allagartalerneqassaatit
- 80-ileereersimaguit ukiut tamaasa nutaamik allagartartaartariaqassaatit

Biilernermit allagartartaarnissat tamaasa, nakorsap peqqissutsinnik misissuineranut uppersaammik pissarsiniartassaatit. Kalaallit Nunaanni Politiit taama ilisimatitsipput. Kalaallit Nunaanni politiinut imal. najukkanni innuttaasunik sullissivimmuut saaffiginninnikkut biilernermit allagartartaarsinnaavutit.

